

## **ARLeF a Gusti di Frontiera: ancje la lenghe furlane tra bancuts e visitadôrs**

*Comun di Gurize e ARLeF, dilunc de manifestazion, a organizin ativitâts e spetacui pe promozion – dongje des tantis bontâts enogastronomicis – ancje de lenghe furlane*

La colaborazion de Agenzie Regjonâl pe Lenghe Furlane (ARLeF) cul Comun di Gurize e continue ancje in ocasion de **edizion 2016 de manifestazion enogastronomiche popolâr “Gusti di Frontiera”**.

«Se Gusti di Frontiera e rapresente une vetrine straordenarie pes specialitâts des cusinis de regjon e dai teritoris dongje – al sclaris il **president de ARLeF, Lorenzo Fabbro** -, chest al è vêr no dome pe enogastronomie, ma ancje par promovî ricjecis ambientâls, paisagjisticis e culturâls: la pluralitât linguistiche dal Friûl no je une carateristiche secondarie ma, al contrari, e rapresente un trat culturâl unic, prezios e di no podê fâ di mancûl par relacionâsi e par promovî il teritori».

Sabide ai 24 e domenie ai 25 di Setembar, la ARLeF e sarà in place Sant Antoni cuntun propri **bancut dulà che a saran disponibii materiâi informatifs promozionâi par furlan, gadget e materiâi ludics didatics gratuits par fruts**.

**Simpri ai fruts (e aes lôr fameis), al è dedicât il spetacul teatrâl cun musiche dal vîf “11 a 0”, di e cun Michele Polo e Paolo Paron**, che si tignarà la domenie di matine, aes 11.00, in Place dal Municipi.

Cun di plui, pe ocasion la ARLeF e ricuardarà ai gurizans e a ducj i visitadôrs de manifestazion, midiant di une cartuline speciâl, la **ricorence dai 26 di Setembar: la Zornade europeane des Lenghis**.

Udin, ai 20 di Setembar dal 2016

### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche Tel. + 39 0432 229127 / **e-mail: arlef@caltpr.it**  
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<